

Dissipata sunt ossa nostra secus infernum: * quia ad te Domine, Domine oculi mei: in te speravi, non auferas animam meam.

Custodi me a laqueo, quem statuerunt mihi: * & a scandalis operantium iniquitatem.

Cadent in reticulo eius peccatores: * singulariter sum ego donec transeam.

Antiphona. Domine clamavi ad te, exaudi me.

Antiphona. Portio mea.

PSALMUS 141.

Voce mea ad Dominum clamavi: * voce mea ad Dominum deprecatus sum:

Effundo in conspectu eius orationem meam, & tribulationem meam ante ipsum pronuncio.

In deficiendo ex me spiritum meum, * & tu cognovisti semitas meas.

In via hac, qua ambulabam, * absconderunt laqueum mihi.

Considerabam ad dexteram, & videbam: * & non erat qui cognosceret me.

Perijt fuga a me, * & non est qui requirat animam meam.

Clamavi ad te Domine, * dixi: Tu es spes mea, portio mea in terra viventium.

Intende ad deprecationem meam: * quia humilitatus sum nimis.

Libera me a persequentibus me: * quia confortati sunt super me.

Educ de custodia animam meam ad confitendum nomini tuo: *

me expectant iusti, donec retribuas mihi.

Antiphona. Portio mea Domine sit in terra viventium.

Tempore Paschali, Antiphona. Alleluia, alleluia, alleluia.

CAPITULUM. 2. Cor. 1.

Benedictus Deus & Pater Domini nostri Iesu Christi, Pater misericordiarum, & Deus totius consolationis, qui consolatur nos in omni tribulatione nostra.

HYMNUS.

Hominis superne Conditor, Qui cuncta solus ordinas, Humum iubes producere Reptantis & ferae genus:

Et magna rerum corpora, Dictu iubentis vivida, Per temporum certas vices

Obtemperare servulis.

Repelle, quod cupidinis

Ciente vi, nos impetit, Aut moribus se suggerit, Aut actibus se intenderit.

Da gaudiorum premia: Da gratiarum munera:

Dissolve litis vincula, Adstringe pacis federa.

Praesta, Pater piissime, Patrique compar Unice,

Cum Spiritu Paraclito Regnans per omne saeculum, Amen.

Y. Dirigatur Domine oratio mea. **z.** Sicut incensum in conspectu tuo.

Ad Magnificat, Antiphona.

Deposuit potentes, sanctos persequentes, & exaltavit humiles

Christum confitentes.

Pre-

Preces quando dicenda sunt, habentur supra in Vesperis Feria secunda. 130.

SABBATO

Ad Vesperas.

Antiphona. Benedictus.**Tempore Paschali, Antiphona.** Alleluia.

PSALMUS 143.

Benedictus Dominus Deus meus, qui docet manus meas ad praelium, * & digitos meos ad bellum.

Misericordia mea, & refugium meum: * susceptor meus & liberator meus:

Protector meus, & in ipso speravi: * qui subdit populum meum sub me.

Domine quid est homo, quia innotuisti ei? * aut filius hominis, quia reputas eum?

Homo vanitati similis factus est: * dies eius sicut umbra praeterunt.

Domine inclina caelos tuos, & descende: * tange montes, & fumigabunt.

Figura coruscationem, & dissipabis eos: * emitte sagittas tuas, & conturbabis eos:

Emitte manum tuam de alto, eripe me, & libera me de aquis multis: * de manu filiorum alienorum.

Quorum os locutum est vanitatem: * & dextera eorum, dextera iniquitatis.

Deus canticum novum cantabo tibi: * in psalterio decachordo psallam tibi.

Qui das salutem regibus: * qui redemisti David servum tuum

de gladio maligno: eripe me.

Et erue me de manu filiorum alienorum, quorum os locutum est vanitatem: * & dextera eorum, dextera iniquitatis:

Quorum filij, sicut novella plantationes * in iuventute sua.

Filiae eorum compositae: * circumornatae ut similitudo templi.

Promptuaria eorum plena, * eructantia ex hoc in illud.

Oves eorum foetosae, abundantes in egressibus suis: * boves eorum crassae.

Non est ruina maceriae, neque transitus: * neque clamor in plateis eorum.

Beatum dixerunt populum, cui haec sunt: * beatus populus, cuius Dominus Deus eius.

Antiphona. Benedictus Dominus Deus meus.

Antiphona. Per singulos dies.

PSALMUS 144.

Exaltabo te Deus meus Rex: * & benedicam nomini tuo in saeculum, & in saeculum saeculi.

Per singulos dies benedicam tibi: * & laudabo nomen tuum in saeculum, & in saeculum saeculi.

Magnus Dominus & laudabilis nimis: * & magnitudinis eius non est finis.

Generatio & generatio laudabit opera tua: * & potentiam tuam pronuntiabunt.

Magnificentiam gloriae sanctitatis tuae loquentur: * & mirabilia tua narrabunt.

Et virtutem terribilium tuorum

di-

dicent: * & magnitudinem tuam narrabunt.

Memoriam abundantiae suavitatis tuae eructabunt: * & iustitiae tuae exultabunt.

Miserator & misericors Dominus: * patiens, & multum misericors.

Suavis Dominus universis: * & miserationes eius super omnia opera eius.

Confiteantur tibi Domine omnia opera tua: & sancti tui benedicant tibi.

Gloriam regni tui dicent: * & potentiam tuam loquentur:

Ut notam faciant filiis hominum potentiam tuam: * gloriam magnificentiae regni tui.

Regnum tuum, regnum omnium saeculorum: * & dominatio tua in omni generatione & generationem.

Fidelis Dominus in omnibus verbis suis: * & sanctus in omnibus operibus suis.

Allevat Dominus omnes qui corruunt: * & erigit omnes elisos.

Oculi omnium in te sperant Domine: * & tu das escam illorum in tempore opportuno.

Aperis tuam manum tuam: * & imple omne animal benedictione.

Iustus Dominus in omnibus vijs suis: * & sanctus in omnibus operibus suis.

Prope est Dominus omnibus invocantibus eum: * omnibus invocantibus eum in veritate.

Voluntatem timimentium se faciet, * & deprecationem eorum exaudiet: & salvos faciet eos.

Custodit Dominus omnes diligentes se: * & omnes peccatores disperdet.

Laudationem Domini loquentur os meum: * & benedicat omnis caro nomini sancto eius in saeculum, & in saeculum saeculi.

Antiphona. Per singulos dies benedicam te Domine.

Antiphona. Laudabo.

PSALMUS 145.

Lauda anima mea Dominum, laudabo Dominum in vita mea: * psallam Deo meo quamdiu fuero.

Nolite confidere in principibus: * in filiis hominum, in quibus non est salus.

Exibit spiritus eius, & revertetur in terram suam: * in illa die peribunt omnes cogitationes eorum.

Beatus, cuius Deus Jacob adiutor eius, spes eius in Domino Deo ipsius, * qui fecit caelum & terram, mare, & omnia quae in eis sunt.

Qui custodit veritatem in saeculum, facit iudicium iniuriarum patientibus: * dat escam esurientibus.

Dominus solvit compeditos: * Dominus illuminat caecos.

Dominus erigit elisos, * Dominus diligit iustos.

Dominus custodit advenas, pupillum & viduam suscipiet: * & vias peccatorum disperdet.

Regnabit Dominus in saecula, Deus tuus Sion, * in generationem & generationem.

Antiphona. Laudabo Deum meum in vita mea.

An-

Antiphona. Deo nostro.

PSALMUS 146.

Laudate Dominum quoniam bonus est psalmus: * Deo nostro sit iucunda, decoraque laudatio.

Aedificans Ierusalem Dominus: * dispersiones Israelis congregabit. Qui sanat contritos corde: * & alligat contritiones eorum.

Qui numerat multitudinem stellarum: * & omnibus eis nomina vocat.

Magnus Dominus noster, & magna virtus eius: * & sapientia eius non est numerus.

Suscipiens manus Dominus: * humilians autem peccatores usque ad terram.

Pracinate Domino in confessione: * psallite Deo nostro in cithara.

Qui operit caelum nubibus: * & parat terrae pluviam.

Qui producit in montibus foenum: * & herbam servituti hominum.

Qui dat iumentis escam ipsorum: * & pullis corvorum invocantibus eum.

Non in fortitudine equi voluntatem habebit: * nec in tibis viri beneplacitum erit ei.

Beneplacitum est Domino super timentes eum: * & in eis, qui sperant super misericordia eius.

Antiphona. Deo nostro iucunda sit laudatio.

Antiphona. Lauda.

PSALMUS 147.

Lauda Ierusalem Dominum: * lauda Deum tuum Sion.

Quoniam confortavit seras portarum tuarum: * benedixit filiis tuis in te.

Qui posuit fines tuos pacem: * & adipe frumenti satiat te.

Qui emittit eloquium suum terra: * velociter currit sermo eius.

Qui dat nivem sicut lanam: * nebulam sicut cinerem spargit.

Mittit crystallum suam sicut buccellas: * ante faciem frigidis eius quis sustinebit?

Emitte verbum suum, & liquefaciet ea: * flabit spiritus eius, & fluent aquae.

Qui annunciat verbum suum Iacob: * iustitias, & iudicia sua Israel.

Non fecit taliter omni nationi: * & iudicia sua non manifestavit eis.

Antiphona. Lauda Ierusalem Dominum.

Tempore Paschali, Antiphona. Alleluia, alleluia, alleluia.

CAPITULUM. Rom. II. d. Altitudo divitiarum sapientiae, & scientiae Dei: quam incomprehensibilia sunt iudicia eius, & investigabiles viae eius!

Hymnus. Iam sol recedit igneus:

Tu lux perennis Unitas, Nostris, beata Trinitas, Infunde amorem cordibus.

Te mane laudum carmine, Te deprecamur vespere, Dignetur, ut te supplices Laudemus inter Caelites.

Patri; similique Filio, Tibique sancte Spiritus, Sicut fuit, sit iugiter

K

Sae-

Sæculum per omne glória.
Amen.

✠ Vespertina oratio ascendat ad te Domine. **R.** Et descendat super nos misericordia tua.

Ad Magnificat, Antiphona. Suscepit Deus Israël puerum summsicut locutus est ad Abraham, & semen eius: exaltare humiles usque in sæculum.

Capitulum. O altitudo, dicitur in Vesperis Sabbati ab Octava Pentecostes usque ad Adventum, & ab Octava Epiphaniæ usque ad Septuagesimam. Hymnus & Versiculi etiam usque ad Quadragesimam, Antia, ad Magnificat, & ab Octava Epiphaniæ usque ad Septuagesimam tantum. Post Antiphonam dicitur Oratio propria.

Deinde fiunt sequentes Commemorationes communes, seu Suffragia sanctorum, quæ dicuntur etiam ad Laudes.

COMMEMORATIO

De Cruce in feriali tantum Officio.

Ad Vesperas, & Laudes, Antia. Per signum Crucis de inimicis nostris libera nos Deus noster. ✠ Omnis terra adoret te, & psallat tibi. **R.** Psalmum dicat nomini tuo Domine.

Oræmus. **ORATIO.** **P**erpétua nos, quæsumus Domine, pace custodi, quos per lignum sanctæ Crucis redimere dignatus es.

COMMEMORATIONES
Communes, sive Suffragia
Sanctorum.

De sancta Maria, quando non

dicitur eius Officium parvum.

Ad Vesperas, & Laudes, Antia. Sancta Maria, succurre miseris, iuva pusillanimes, refrove flébiles, ora pro populo, interveni pro clero, intercede pro devoto femineo sexu: sentiant omnes tuum iuvamen, quicumque celebrant tuam sanctam commemorationem. ✠ Ora pro nobis sancta Dei genitrix. **R.** Ut digni efficiamur promissionibus Christi.

Oræmus. **ORATIO.** **C**oncède nos famulos tuos, quæsumus Domine Deus, perpétua mentis & corporis sanitate gaudere: & gloriosa beatæ Mariæ semper virginis intercessione, à præsentii liberari tristitia, & æterna percipi lætitia.

Ab Octava Epiphaniæ usque ad Purificationem dicitur.

✠ Post partum virgo inviolata permansisti. **R.** Dei genitricis intercede pro nobis.

Oræmus. **ORATIO.** **D**eus, qui salutis æternæ beatæ Mariæ virginitate fecunda, humano generi præmia præstitisti: tribue quæsumus; ut ipsam pro nobis intercedere sentiamus, per quam meruimus auctorem vitæ suscipere Dominum nostrum Iesum Christum Filium tuum.

De Apóstolis.

Ad Vesperas, Antiphona. Petrus Apóstolus, & Paulus Doctor Gentium, ipsi nos docuerunt legem tuam Domine. ✠ Cons-

✠. Constitues eos principes super omnem terram. **R.** Memores erunt nominis tui Domine.

Ad Laudes, Antiphona.

Gloriosi principes terra, quomodo in vita sua dilexerunt se, ira & in morte non sunt separati. ✠ In omnem terram exivit sonus eorum. **R.** Et in fines orbis terra verba eorum.

Oræmus.

ORATIO. **D**eus, cuius dextera beatum Petrum ambulantem in fluctibus ne mergeretur, erexit: & coapóstolum eius Paulum, rértio naufragantem, de profundo pelagi liberavit: exaudi nos propitius, & concede; ut amborum méritis æternitatis glóriam consequamur.

De Patrôno, vel Titulari Ecclesiæ fiat Commemor. consuetata ante vel post Commemorationes prædictas, pro dignitate illius: & último loco de Pace.

Ad Vesperas, & Laudes, Antia. Da pacem Domine in diebus nostris, quia non est alius qui pugnet pro nobis, nisi tu Deus noster. ✠ Fiat pax in virtute tua. **R.** Et abundantia in turribus tuis.

Oræmus.

ORATIO. **D**eus, à quo sancta desideria, recta consilia, & iusta sunt ópera: da servis tuis illam, quam mundus dare non potest, pacem; ut & corda nostra mandatis tuis dedita, & hostium sublata formidine, tempora sint tua protectione tranquilla. Per Dominum nostrum.

✠ Dominus vobiscum. **R.** Et

cum spiritu tuo. ✠ Benedicamus Domino. **R.** Deo gratias. ✠ Fidélium animæ per misericordiam Dei requiescant in pace. **R.** Amen.

Deinde dicitur secretò Pater noster.

Sic terminatur Officium, ubi alia non sequatur Hora, ut dicitur in Rubr. de Oratione Dominica.

Dictæ Commemorationes, seu Suffragia, dicuntur ab Octava Pentecostes usque ad Adventum, & ab Octava Epiphaniæ usque Dominicam Passionis, exceptis Duplicibus, & intra Octavas.

Quando dicitur Officium beatæ Mariæ, non fit alia Commemoratio de ea.

In feriali Officio ante Commemorationes de Sancta Maria, & de Apóstolis, primo fit Commemoratio de Cruce, quæ habetur supra. 146.

AD COMPLETEORIUM.

Lector incipit ✠. Iube domne benedicere. **Benedictio.** Noctem quietam, & finem perfectum concedat nobis Dominus omnipotens. **R.** Amen.

LECTIO BREVIS. 1. Pet. 5. e

Fratres, Sobrii estote, & vigilate: quia adversarius vester diabolus tanquam leo rugiens circuit, quærens quem devoret: Cui resistite fortes in fide. Tu autem Domine, miserere nobis.

R. Deo gratias.

✠ Aditório nostrum in nómine Domini. **R.** Qui fecit cæ-

lum & terram. Pater noster.
dicitur totum secretò.

Deindè Hebdomadarius facit
Confessionem.

Confiteor Deo omnipotenti,
beatae Mariae semper
virgini, beato Michaeli Archàngelo,
beato Iohanni Baptista,
sanctis Apóstolis Petro & Paulo,
omnibus Sanctis, & vobis fratres,
quia peccavi nimis cogitatione,
verbo, & opere: mea culpa,
mea culpa, mea máxima culpa.
Ideò precor beatam Mariam
semper virginem, beatum Michaelém
Archàngelum, beatum Iohanném
Baptistam, sanctos Apóstolos
Petrum & Paulum, omnes Sanctos,
& vos fratres, & vos fratres,
orare pro me ad Dóminum
Deum nostrum.

Chorus respóndet.

Misereatur tui omnipotens
Deus, & dimissis peccatis
tuis, perducat te ad vitam
aeternam. *Re.* Amen.

Deindè répetit Confessionem:
& ubi dicitur vobis fratres,
& vos fratres, dicatur tibi
pater. & te pater.

Facta Confessione à Choro
Hebdomadarius dicit:

Misereatur vestri omnipotens
Deus, & dimissis peccatis
vestris, perducat vos ad
vitam aeternam.

Re. Amen.

Indulgentiam, absolutiònem,
& remissionem peccatorum
nostrorum tribuat nobis omnipotens
& misericors Dominus.
Re. Amen.

Et facta Absolutiòne dicitur
Versus.

Converte nos Deus salutáris
noster. *Re.* Et avertè iram
tuam à nobis. *Ps.* Deus in adiutórium
meum intende. *Re.* Dómine
ad adiuvandum me festina.
Glória Patri. Sicut erat.

Antiphona. Misereere.

Tempore Paschali Antiphona.
Alleluia.

PSALMUS 4.

Cum invocárem exaudivit
me Deus iustítia: mea: *
in tribulatione dilatasti
mihi.

Misereere mei, * & exáudi orationem
meam.

Filii hóminum úsquequò gravi
corde? * ut quid diligitis vanitatem,
& queritis mendacium?

Et scitòte quóniam mirificávit
Dóminus sanctum suum: * Dóminus
exáudiet me cum clamávero
ad eum.

Irascimini, & nolite peccáre: *
quae dicitis in còrdibus vestris,
in cubilibus vestris compungimini.

Sacrificáte sacrificium iustítiae,
& speráte in Dómino. * Multi
tici dicunt: Quis osténdit nobis
bona?

Signátum est super nos lumen
vultus tui Dómine: * dedisti
laetitiam in corde meo.

A fructu fruménti, vini, & ólei
sui * multiplicáti sunt.

In pace in idípsum * dormiam,
nostrorum tribuat nobis omni-

potens & misericors Dominus.
Re. Amen.

PSAL-

PSALMUS 30.

In te Dómine sperávi non
confundar in aeternum: * in
iustítia tua libera me.

Inclina ad me aurem tuam, *
accéléra ut éruas me.

Esto mihi in Deum protectórem:
& in domum refúgij, * ut
salvum me facias.

Quóniam fortitúdo mea, & refúgium
meum es tu: * & propter
nomen tuum dedices me, &
enútries me.

E dúces me de láqueo hoc, quem
abscondérunt mihi: * quóniam
tu es protectórem meum.

In manus tuas comméndo spíritum
meum: * redemisti me
Dómine Deus veritátis.

PSALMUS 90.

Qui hábitat in adiutório Altíssimi,
* in protectiòne Dei caeli
commorabitur.

Dicit Dómino: Suscéptor meus
es tu, & refúgium meum: *
Deus meus sperábo in eum.

Quóniam ipse liberávit me de
láqueo venántium, * & à verbo
áspero.

Scápulis suis obumbrábit tibi: *
& sub pennis eius sperábis.

Scuto circumdabit te veritas
eius: * non timébis à timóre
noctúrno.

A sagíta volante in die, à negório
perambulante in ténébris,
* ab incúrsu, & demónio
meridiáno.

Acadent à látere tuo mille, &
decem millia à dextris tuis: *
ad te autem non appropinquábit.

Verúntamen óculis tuis consi-

derábis: * & retributiònem peccatórum
vidébis.

Quóniam tu es Dómine spes
mea: * Altíssimum posuisti refúgium
tuum.

Non accédet ad te malum: * &
flagellum non appropinquábit
tabernaculo tuo.

Quóniam angelis suis mandávit
de te: * ut custódiat te in omnibus
vijs tuis.

In mánuibus portábunt te: * ne
fortè offéndas ad lápidem pedem
tuum.

Super áspidem, & basilíscum
ambulábis: * & concubábis leonem
& draconem.

Quóniam in me sperávit, liberábo
eum: * prótegam eum, quóniam
cognóvit nomen meum.

Clamábit ad me, & ego exáudiam
eum: * cum ipso eum in tribulatione:
eripiam eum & glorificábo eum.

Longitúdine diérum replébo
eum: * & osténdam illi salutárem
meum.

PSALMUS 133.

Ecce nunc benedicite Dóminum,
* omnes servi Dómini:

Qui státis in domo Dómini, *
in átrijs domus Dei nostri,

In noctibus extóllite manus vestras
in sancta, * & benedicite Dóminum.

Benedicat te Dóminus ex Sion, *
qui fecit caelum & terram.

Antiphona. Misereere mihi Dómine,
& exáudi orationem meam.

K 3

Tém-

Tempore Paschali, Antiphona. Alleluia, alleluia, alleluia.

HYMNUS.

TE lucis ante terminum
Rerum Creator poscimus;
Ut pro tua clementia
Sis praesul. & custodia.

Procul recedant somnia,
Et noctium phantasmata;
Hostemque nostrum com-
prime.

Ne polluantur corpora.
Praesta, Pater piissime,
Patrique compar Unice,
Cum Spiritu Paraclito,
Regnans per omne saeculum.
Amen.

CAPITULUM. Ierem. 14. b

TU autem in nobis est Domine,
& nomen sanctum
tuum invocatum est super nos,
ne derelinquas nos Domine
Deus noster.

R. Deo gratias.

R. **Or.** In manus tuas Domine,
Commendo spiritum meum.
In manus tuas. **V.** Redemisti nos
Domine Deus veritatis. Com-
mendo. Gloria Patri. In manus
tuas. **V.** Custodi nos Domine,
ut pupillam oculi. **R.** Sub um-
bra alarum tuarum protege nos.
Antiphona. Salva nos.

CANTICUM SIMEONIS.

Lucæ 2. e

Nunc dimittis servum
tuum Domine, * secun-
dum verbum tuum in pace:
Quia viderunt oculi mei * salu-
tare tuum,
Quod parasti * ante faciem om-
nium populorum.
Lumen ad revelationem gen-

tium, * & gloriam plebis tuae Is-
rael. Gloria Patri, & Filio.
Antiphona. Salva nos Domine
vigilantes, custodi nos dormien-
tes: ut vigilemus cum Christo,
& requiescamus in pace.

Sequentes Preces semper di-
cuntur, praterquam in Officio
Duplici, & infra Octavas, quæ
in feriali Officio, Tempore Ad-
ventus, & Quadragesimæ, & in
Quatuor Temporibus, quando
dicte sunt Preces in Vesperis,
dicuntur flexis genibus.

Kyrie eleison. Christe elei-
son. **Kyrie eleison.** Pater
noster. **secreto.** **V.** Et ne nos
inducas in tentationem. **R.** Sed
libera nos a malo. **Credo** in
Deum. **secreto.** **V.** Carnis resur-
rectionem. **R.** Vitam æternam.
Amen. **V.** Benedictus es Domi-
ne Deus patrum nostrorum.
R. Et laudabilis, & gloriosus in
saecula. **V.** Benedicamus Patrem
& Filium cum sancto Spiritu.
R. Laudemus, & superexalté-
mus eum in saecula. **V.** Benedi-
ctus es Domine in firmamén-
to caeli. **R.** Et laudabilis, &
gloriosus, & superexaltatus in
saecula. **V.** Benedicat & custó-
diat nos omnipotens & misé-
ricors Dominus. **R.** Amen.

V. Dignare Domine nocte ista.
R. Sine peccato nos custodire.
V. Miserere nostri Domine.
R. Miserere nostri. **V.** Fiat mi-
sericórdia tua Domine super
nos. **R.** Quemadmodum sperá-
vimus in te. **V.** Domine exaudi
orationem meam. **R.** Et clamor
meus ad te veniat. **V.** Domi-
nus

nus vobiscum. **R.** Et cum spi-
ritu tuo.

Visita, quæsumus Domi-
ne, habitationem istam,
& omnes insidias inimici ab ea
longè repelle: Angeli tui sancti
habitant in ea, qui nos in pace
custodiant: & benedictio tua
sit super nos semper. Per Dó-
minum nostrum Iesum Chris-
tum Filium tuum: Qui tecum
vivit & regnat.

V. Dominus vobiscum. **R.** Et
cum spiritu tuo. **V.** Benedicá-
mus Domino. **R.** Deo grátias.
Benedictio. Benedicat, & cus-
todiat nos omnipotens & misé-
ricors Dominus, Pater, & Filius,
& Spiritus sanctus. **R.** Amen.

**Et non dicitur, Fidelium ani-
ma. sed immediatè dicitur una
ex infrascriptis Antiphonis pro
tempore.**

**A Vesperis Sabbati ante Do-
minicam primam Adventus us-
que ad Purificationem inclusivè,
Antiphona.**

Alma Redemptoris mater,
quæ pèrvia caeli
Porta manes, & stella maris,
succurre cadenti,
Surgere qui curat, pópulo: tu
quæ genuisti,
Natura mirante, tuum sanctum
Genitorem,
Virgo prius ac postèrius, Ga-
brièlis ab ore.
Sumens illud Ave, peccatorum
miserere.

In Adventu. **V.** Angelus Dó-
mini nunciavit Maria. **R.** Et
concepit de Spiritu sancto.

Oremus. **ORATIO.**
GRatiam tuam, quæsumus
Domine, méntibus nostris
infunde: ut qui, Angelo nun-
ciante, Christi Filij tui incarna-
tionem cognovimus, per passio-
nem eius & crucem ad resur-
rectionis gloriam perducamur.
Per eundem Christum Dómi-
num nostrum. **R.** Amen.

**A primis Vesperis Nativita-
tis, & deinceps.** **V.** Post par-
tum virgo inviolata perman-
sisti. **R.** Dei genitrix intercede
pro nobis.

ORATIO.
DEus, qui salutis æternæ,
beate Mariæ virginitate
fecunda, humano generi præ-
mia prastitisti: tribue quæsu-
mus; ut ipsam pro nobis inter-
cedere sentiamus, per quam me-
ritum auctorem vite suscipe-
re, Dóminum nostrum Iesum
Christum Filium tuum.

R. Amen.
**Post Purificationem, id est
à fine Completorii illius diei se-
cundæ Februarij inclusivè, etiam
quando transferuntur festum Pu-
rificationis B. Mariæ Virg. us-
que ad Feriam quintam in Cœ-
na Domini exclusivè Anti-
phona.**

AVE Regina cælorum,
Ave Domina Angelorum:
Salve radix, salve porta,
Ex qua mundo lux est orta:
Gaudet Virgo gloriosa:
Super omnes speciosa:
Vale ô valde decora,
Et pro nobis Christum exora.
V. Dignare me laudare te, **V**ir-
go

go sacrata. **R.** Da mihi virtutem contra hostes tuos.

ORATIO.

Concède misericors Deus fragilitati nostræ præsidium: ut qui sanctæ Dei genitricis memoriâ agimus, intercessionis eius auxilio à nostris iniquitatibus resurgamus. Per eundem Christum Dominum nostrum.

R. Amen.

A Completório Sabbati sancti usque ad Nonam Sabbati post Pentecosten inclusivè, **Antiphona.**

Regina cæli lætare, alleluia. Quia quem meruisti portare, alleluia.

Resurrexit, sicut dixit, alleluia.

Ora pro nobis Deum, alleluia. **V.** Gaude & lætare virgo Maria, alleluia. **R.** Quia surrexit Dominus verè, alleluia.

ORATIO.

Deus, qui per resurrectionem Filij tui Domini nostri Iesu Christi mundum lætificare dignatus es: præsta quesumus: ut per eius genitricem virginem Mariam, perpétuæ capiâmus gaudia vitæ. Per eundem Christum Dominum nostrum.

R. Amen.

A primis Vesp. Festi SS. Trinitatis, usque ad Nonam Sabbati ante Adventum, **Antiphona.**

Salve Regina, mater misericordiae, vita, dulcedo, & spes nostra salve. Ad te clamâmus exules filij Hevæ. Ad te suspiciâmus geméntes & flentes in

hac lacrymarum valle. Eia ergo advocata nostra, illos tuos misericordes oculos ad nos converte. Et Iesum benedictum fructum ventris tui, nobis post hoc exilium ostende. O clemens, o pia, o dulcis virgo Maria. **V.** Ora pro nobis sancta Dei genitrix. **R.** Ut digni efficiamur promissionibus Christi.

ORATIO.

Omnipotens sempiternè Deus, qui gloriosæ virginis matris Mariæ corpus & animam, ut dignum Filij tui habitaculum effici mereretur, Spiritu sancto cooperante præparasti: da, ut cuius commemoratione lætâmur, eius pia intercessione ab instantibus malis, & à morte perpétua liberemur. Per eundem Christum Dominum nostrum. **R.** Amen.

V. Divinum auxilium maneat semper nobiscum.

R. Amen.

Deinde dicitur secretò. Pater noster. Ave Maria. & Credo. Sic dicitur Completorium per totum Annunt, præterquam in triduo Maioris Hebdomadæ, & per Octavam Paschæ, ut suo loco dicetur.

Si post Completorium immediatè sequatur Matutinum, tunc bis dicatur **Pater noster. Ave Maria. & Credo.** quia Completorium, quod est finis Officij, sic terminari debet, & ante Matutinum iterum repetitur pro principio Officij sequentis diei.

Antiphonæ prædictæ dicuntur etiam

etiam in fine Laudum, quando discedendum est à Choro; sed si immediatè post Matutinum subsequatur Prima, vel alia Hora, dicuntur in fine ultimæ Horæ, ita ut dicantur semper, quando terminata aliqua Hora discedendum est à Choro: & tunc post **V.** Fidélium anima. & **Pater noster. secretò, dicitur V.** Dominus det nobis suam pacem. **R.** Et vitam aternam, Amen.

Deinde una ex prædictis Antiphonis, & in fine, Divinum auxilium maneat semper nobiscum.

R. Amen.

Extra Chorum autem dicuntur in fine Laudum, si tunc terminandum sit Officium: alioquin in fine ultimæ Horæ. Post alias verò Horas, quando terminatur Officium, dicitur tantum Pater noster. secretò.

